

中華民國二十九年九月十六日

陸淵雷主編 謝誦穆編輯

# 第十號

中華民國二十九年十二月再版

# 中醫新生命

陸淵雷



## 張仲景特輯

張仲景事狀考	章太炎
傷寒論考	顧惕生
金匱玉函要略綜概	丹波元簡
重刻張仲景金匱玉函經序	陳世傑
中國文化史上之張仲景觀	徐衡之
傷寒論單論本題辭	章太炎
金匱今釋自序	陸淵雷
金匱要略論註	四庫提要
傷寒論註	四庫提要
札記二則	穆
爲紅蟲病敬告市民及醫家	徐瀛芳
千慮一得	沈仲圭

## 目錄

中醫脈學之檢討	姜白鷗
腹痛辨	陳史六譯
蒲菴頭	王念茲
溫病論衡	謝誦穆
胃病醫案選	章次公
醫案	陸淵雷
課卷	孔伯毅
答問一	郎桂生
答問二	李奇山
答問三	張偉弢
答問四	孔伯毅
毛邦漢君來函	
問性神經衰弱方	沈熊璋
從根本上推翻氣化(七續)	陸淵雷

國立北平圖書館藏

## 減費函授中醫學

本醫室開辦遙從。函授科學化之中醫學。業已二年。學者皆深表滿意。今續招新學員。凡國文通順。有志學醫者。不限年齡性別。皆可入學。尤宜於後開各界人士。(一)謀家庭衛生。欲得醫藥知識者。(二)感中醫學說太玄奧。欲得科學化合理化之醫學學說者。(三)西醫欲兼學中醫者。(四)舊中醫欲補充新學說。及臨診上之知識技能者。

今應外來要求。適應衰落之社會經濟。將學費減輕。計三十箇月習完。只費銀七十一元五角。可謂學醫之最低代價。交費法詳章程中。函索附郵五分。空函不答。欠資信不收。

上海牯嶺路人安里陸淵雷醫室啓

### 陸著醫書

#### 金匱要略今釋

本書比傷寒論爲難讀。故古今注解極少。近出參以新理者。尤渺不可得。遑論精粗。淵雷此著。後於傷寒今釋三年。自謂發明新義極多。比傷寒今釋更善。連史紙精裝八厚冊。定價十二元。實售七折。郵費四角。國外酌加。

#### 傷寒論今釋

用科學解釋最有價值之舊醫書。說解詳明。徵引極博。可以作研讀古書之鎖鑰。亦可以實際應用。與金匱今釋同爲中醫學必讀之書。連史紙精裝八厚冊。定價十元。實售七折。郵費三角。國外酌加。

#### 陸氏論醫集

淵雷歷年論醫文字。文言白話長篇短篇都有。議論精警。趣味雋永。連史紙精裝四大冊。定價五元。實售六折。郵費二角。國外酌加。

發行處 上海牯嶺路人安里陸淵雷醫室內

代售處 上海三馬路千頃堂書局  
上海四馬路二八三號國醫印書館

杭州國醫公會主編 **國醫新聞啟事**

本刊每星期六出版 現已出至第十五期

專載國醫藥界消息 並及本會會務進行

歡迎各地翔實來稿 願與友刊介紹交換

全年共計出五十期 索閱請附郵費五角

會址：杭州佑聖觀巷三益里十二號

# 敬送吐血肺癆指南

作者患吐血肺癆十餘年百藥無效久病知醫特將經驗所得編成指南分送

同疾聊盡天職函索附郵五分寄杭州橫道山十號慈航居士即奉

## 江都國醫報

主編 樊天徒

發行人 周勵庭 林芝庭

學說新穎說理透切富有研究性及創作性為現代國醫界最新之刊物治醫者尤宜人手一編

每月一册 定價一角二分

全年十二册 定價一元二角

國內郵資在內國外郵資另加一元

總發行所揚州古旗亭三十六號

## 神州國醫學報

上海神州國醫學會出版

每月一期現已出版至第三卷第四期

每期大洋一角 全年十二期大洋壹元

國內寄費不加 國外寄費另加壹元二角

本報由上海神州國醫學會創辦已有三年之久

所聘特約撰述多為海內外知名之士內容豐富

材料新穎持論平正不偏不倚發揮固有之真理

融會西來之新說原原本本輝煌博聞出版以來

早為海內外人士所共賞不脛而走風行一時且

按月出版未嘗愆期尤博得社會之信用凡研究

國醫學術者不可不讀

以前各期除第一卷第一至第五期現已無存外

其餘各期尚可配補然亦所存無多惠購諸君尚

祈從速

上海廈門路尊德里五十四號神州國醫學會啟

請 閱

# 廣州杏林醫學社編刊之

## 三大出品

風行中外之定期刊物

### 杏林醫學月刊報

◀刊創月一年八十國民由報本▶

精學 純言 嚴取 宏資 昭信 攸歷  
詳說 正論 謹材 博料 著用 久史

(內在費郵元二外國元一洋大年全閱定期一版出月每)

醫藥界破天荒之鉅著

考備為  
書之最  
籍參完

### 杏林叢錄

而有包  
精廣羅  
微博萬

書成集編要撮繁刪作著得心之醫名外內海集搜書本

冊巨一成頁百四共言萬十五凡篇百二字文

(元一外國角四澳港收免內國費寄元三洋大價定部每)

◀待優折五戶定報月學醫林杏屬凡▶

繼杏林叢錄之後偉大作品

之究富  
巨價有  
製值研

### 杏林醫學

之幽含  
真揚有  
義微闡

字文之質性究研有於重側容內精尤稿選廣極羅搜書本

本巨一成自而偉宏一同錄叢林杏與

(元一外國角二內國費寄元三洋大價定部每)

◀待優折八戶定報月學醫林杏屬凡▶

## 發行處

廣州大德路蘇行街八十四號

## 孫崧樵主編 鷺聲醫藥雜誌

本刊抱闡揚國醫藥之宗旨，負發展國醫藥之使命，探索固有真理，納於科學之中，採擷新明確證，麗于國粹之下。內容分論增，醫學，藥學，專著，驗方，醫案，驗方，信箱，等八欄。材料豐富，學說新穎，多出於海內名手，且價格便宜，出版準確，故雖發行未久，已風行全國，實華南最完善之醫藥刊物。定價全年十二期一元半年六期五角零售每期一角。總發行所廈門廈禾路二四一號鷺聲醫藥雜誌社。

# 小言論

## 卷頭語

編者

醫聖張仲景之學說。爲中國醫學之中堅。本期特搜集論文十篇。爲張仲景特輯。以餉讀者。仲景之書。今流傳者三種。一爲傷寒論。一爲金匱要略（丹波氏之金匱玉函要略。淵雷夫子之金匱要略方論。皆指此書。恐初學不明。附辨之。）一爲金匱玉函經。則傷寒論之別本也。下期有徐瀛芳先生之蛇毒軼譚。彌堪珍貴。望讀者注意。沈仲圭先生之千虛一得。爲心得之結晶。將絡續在本刊發。表姜白鷗君中醫脈學之檢討一文。月前曾專函請姜君繼續執筆。本期起續登。此後不致間斷。

閻德潤氏說灸法。今昔之價值一文。及醫籍考目錄。本刊前擬轉載。曾以告一部分讀者。惟閱文字句冗蔓。細審之覺不妥。醫籍考目錄。因純係書名。無文字貫穿之。恐讀者有索然寡味之感。皆不復刊布。中醫界多僞託之書。如景岳發揮。本無錫姚球所作。後改託葉天士。徐靈胎身後。僞作尤多。陳修園少時所著醫學從衆錄。亦曾託名葉天士。於晚年收回。下期起有衛原君中醫僞書考一文。辨此等僞書甚詳。以此代醫籍考目錄。以此謝吾熱心之讀者。

# 研究

## 張仲景特輯


### 張仲景事狀考

章太炎

林億傷寒論序。引甘伯宗名醫錄。張仲景。名機。南陽人。舉孝廉。官至長沙太守。始受術於同郡張伯祖。時人言識用精微過其師。

太平御覽七百二十二引何顥別傳。同郡張仲景總角造顥。顥謂曰。君用思精而訥不高。後將爲良醫。卒如其言。顥先識獨覺。言無虛發。王仲宣年十七。常遇仲景。仲景曰。君有病。宜服五石湯。不治且成。後年三十當眉落。仲宣以其貫長也。遠不治也。後至三十。病果成。竟眉落。其精如此。仲景之方術。今傳於世。

皇甫謐甲乙經序。仲景見侍中王仲宣時。年二十餘。謂曰。君有病。四十當眉落。眉落半年而死。令服五石湯可免。仲宣嫌其言忤。受湯勿服。居三日。見仲宣。謂曰。服湯否。仲宣曰。已服。仲景曰。色候固非服湯之診。君何輕命也。仲宣猶不言。後二



原件短缺

景云。惟仲景一部。最爲衆方之祖。又悉依本草。但其善診脈明氣候。以意消息之爾。（出本草序例。）二氏距仲景未遠。其言如此。歷覽史志。傷寒論玉函經及要略之外。仲景書目。猶載數部。黃素方二十五卷。傷寒身驗方一卷。評病要方二卷。以上出七錄。療婦人方二卷。出隋志。張仲景方十五卷。（太平御覽引張仲景方序論。載仲景及張伯祖衛沉事。）見隋志及舊唐志。脈經五藏榮衛論五藏論療黃經口齒論各一卷。出宋志。凡十部五十卷。今無一存。實可惜矣。寬政甲寅春正月晦。書于日光山中永觀精舍。丹波元簡廉夫撰。

## 重刻張仲景金匱玉函經序

陳世傑

金匱玉函經八卷。漢張仲景論著。晉王叔和所撰次也。其標題蓋亦後人所加。取珍祕之意。仲景當漢季年。篤好方術。以拯天橫。其用心仁矣。故自素難本草湯液諸書。咸抉根得髓。其爲傷寒雜病論。實爲萬世羣方之祖。自叔和尊尙以後。年歲久遠。錯亂放失者屢矣。宋治平初。命諸臣校定。其書有三。曰傷寒論金匱方論。（一名金匱玉函要略。）以及此經是也。雖未必盡復仲景本書之舊。然一家之學粗完。余幼讀二論。精微簡要。務令上口。以通思索。徧求是經。獨不可得。後檢鄒陽馬氏經籍考。雖列其目。而所引晁序。則實金匱玉函要略也。則此經蓋自元時而不行于世矣。歲壬辰。義門何內翰。以予粗習張書句讀。手抄宋本見授。拜受卒業。喜忘寢食。惜其訛脫者多。甚或不能以句。既無他本可校。乃博考衆籍。以相證佐。補忘減誤。十得八九。稿凡數易。而始可讀。則掩卷而歎曰。是可報命于內翰矣。內翰嘗以古明醫多以醫案示人。



見愛過實。矚矚其平生醫藥病狀之驗者。予瞿然不敢當。語云。三折肱爲良醫。予雖老是。然處方設劑。吾斯未信。因念是經世久未見。而內翰旣得禁方。不自祕匿。雖古人尤難之。開以傳後。其弘濟豈但一師之說哉。夫岐黃之書經也。仲景之經律也。臨證療疾。引經案律。十不失一。二論所述略具矣。是書則兼綜兩者。而整齊形證。附類方藥。各有門部。次第不可淆亂。則知經又論之自出。尤醫門之金科玉條也。八卷之中。上順天和。以療人患。非通三才之道。而得往聖之心者。不能觀者。苟能潛心玩索。而知其所以。則因病發藥。應如桴鼓。順之則能起死。畔之則立殺人。先儒以孫思邈尙爲粗曉其旨。得其書者。未可謂不過與傷寒論及要略相出入。而鹵莽治之也。不揆淺陋。願與同志者熟讀而精思之。(下略)

案義門何內翰。名焯。字配瞻。號茶仙。先世曾以義門旌。學者稱義門先生。康熙時。以拔貢生值南書房。賜舉人。復賜進士。官編修。蓄書數萬卷。參稽互證。丹黃稠疊。其藏書處曰寶硯齋。有義門讀書記行世。

## 中國文化史上之張仲景觀

徐衡之

此文力求淺顯。深邃學理。略而不譚。蓋欲引起一般人士對張仲景之注意而已。

### 仲景傳略及遺書

仲景後漢書無傳。故身世不可詳。攷林億傷寒論序。引甘伯宗名醫錄。張仲景名機。南陽人。舉孝廉。官至長沙太守。始受術於同郡張伯祖。時人言識用精微過其師。據仲景自序。其宗族二百。建安紀年以來。猶未十稔。死亡者三分有二。傷寒

十居其七。感往昔之淪喪。傷橫天之莫救。遂作傷寒雜病論。仲景沒後。此書散遺不完。至東晉王叔和。始搜採仲景舊論。撰次成書。即今日流傳傷寒論及金匱要略二書是也。

#### 仲景醫術之特點

仲景醫術。爲創造的醫術。能以革命手腕。推翻以前一切舊說。一面開闢醫學新途徑。以昭示百代。其學說之特點。扼其要有三。(一)不受內經影響。(二)教人辨脈證以用藥。(三)注意排毒療法。今略論之。

據仲景自序。撰用素問九卷。然傷寒論論調。截然與內經不同。內經高論陰陽六氣五行生尅。而仲景傷寒論。於此等玄言空論。未嘗一掛齒頰。平脈法及金匱篇首。有涉及五行生尅之處。文字不類仲景。當是後人僞託。不能據此而論。仲景同情於玄學的醫學也。夫內經爲仲景以前醫家學術思想之代表。而仲景能矯然自拔。絕不受其影響。懿歟聖矣。

仲景既不滿當時以玄言空論解釋一切疾病原因。但其時生理病理之知識。以限於時代。極其幼稚。仲景雖唾棄陰陽五行。顧於疾病之真象。仲景亦何由知之。仲景遂捨棄疾病之原因。不加討論。乃用深邃精密之眼光。注重疾病之脈證治法。教人一見某種脈證。便應用某方某藥以治之。傷寒論篇目標題。均言辨某某病證并治。更有柴胡證桂枝證等名辭。或言可與某湯。或不可與。又言宜某湯及某湯主之。仲景之心法。盡於此矣。

傷寒論方劑。在治療學之分類。凡有七法。汗法和法下法利小便法清法溫法。就中溫法爲維持人體細胞之衰沉。清法爲遏止體溫之亢進。此二者乃對證治療。非以去病爲目的者。其他諸法。均以排除疾病之毒害。爲處方之要旨。病在表

者汗之。在血液則利小便。在半表半裏則和之。在胸膈則吐之。在腸間則攻下之。國醫古代論疾病之原因。爲五運六氣。遠西以爲細菌原虫。二說大相背戾。然吾人苟能應用仲景方劑。則一切致病之原因。謂其爲五運六氣。固有外出之路。卽謂爲細菌原虫。亦未嘗不有外出之路也。

#### 仲景方劑合於科學原理

據仲景自序。博採衆方。以成傷寒論。可見傷寒論之方劑。皆民間多年經驗之效方。故試之於病無不驗。其方劑所以愈病之原理。以現代科學解之。亦無不合。小青龍湯之麻黃。所以平喘。在西人發明未久。而仲景知之。白虎湯之石膏。遠西往昔以爲無用之物。最近亦承認其含有鈣質。仲景又精於本草學。深知藥品配合奧妙。故仲景無以單味藥治病者。如大黃與芒硝并用。恐麻黃之發汗過度。則協石膏以預防心臟之衰弱。遠西處方。亦有其例者也。凡此之類。難以備舉。故吾人謂仲景之醫學。乃科學之醫學。亦無不可。

#### 仲景在本國文化史上之位置

仲景創造實驗派醫學。萬民於今受賜。其有光中國文化。實不在孔墨莊老之下。中國文化史。苟無仲景其人。則豈止醫學一門。黯淡無色。中華民族。恐亦成無醫之國矣。

#### 仲景對於世界醫學之貢獻

現在歐西醫學。學理方面日有進步。但治療學則缺憾尙多。以治療爲出發點之仲景醫學。正可補其罅漏。例如腸室扶

斯。西人治之恆有腸出血腹膜炎之險。應用仲景方劑得當者。則無此危險也。西人治肋膜炎。有時用手術抽水。仲景十棗湯勿須也。他如盲腸炎之用敗醬散。白喉之用麻杏甘膏湯。皆功效卓著。西醫必多方採取仲景方劑。治療學始能完備。此吾曹敢武斷言之者也。

## 傷寒論單論本題辭

章太炎

隋經籍志張仲景方十五卷。梁有張仲景辨傷寒十卷。唐藝文志王叔和張仲景藥方十五卷。又傷寒卒病論十卷。唐志以十五卷者題王叔和。則傷寒論在其中。今傷寒論單論本十卷。金匱要略則三卷。合之不及十五卷數。然要略亦尙有闕文。據林億序。翰林學士王洙在館閣日。於蠹簡中得仲景金匱玉函要略方三卷。稱要略則不詳。言蠹簡則不備可知也。五藏風寒積聚篇脾無中寒腎無中風中寒。億等已知其闕矣。又周禮天官疾醫疏引張仲景金匱云。神農能嘗百藥。則炎帝者也。今要略不見其語。千金方診候篇引張仲景曰。欲療諸病。當先以湯蕩滌五藏六府云云。凡二百五十餘字。不詳所出。依宋志金匱要略方三卷。金匱玉函八卷。皆稱王叔和集。林億序要略亦云。先校定傷寒論。次校定金匱玉函經。今又校成此書。是金匱玉函有詳略二本。詳者則爲賈疏千金方所引。宋時八卷。隋唐時五卷。兩志所云十五卷者。合傷寒論與金匱玉函經。十卷者。卽此傷寒論也。其書傳於今者。宋開寶中高繼沖所獻。治平二年林億等所校。明趙開美以宋本摹刻。與成無己注本並行。至清而逸。按趙開美仲景全書序。先以成注傷寒論金匱要略合刻。命之名仲景全

書。既刻已。復得宋板傷寒論。復并刻之。然清世所傳唯成注本。而單論本則清修四庫書時。已不可見。入日本楓山祕府。安政三年。丹波元堅又重摹之。由是復行於中土。其與成本異者。卷首各有目錄。方下亦多叔和校語數事。及億等校語。成本亦盡刪之矣。叔和於方下。或云疑非仲景方。疑非仲景意。終不敢以己意刪刻。以是知其編次審慎。宋文憲習於金華口耳之學。顧謂叔和變亂仲景故書。此足以杜其口。林校雖簡。亦甚有精善者。今據成本。寒實結胸無熱證者。與三物小陷胸湯。白散亦可服。二方寒熱僻馳。疑論遽起。及檢千金翼方。則云與三物小白散。而林校所引一本。正與千金翼方同。成注本不著林校。則終古不可得決矣。信乎稽古之士。宜得善本而讀之也。千金翼方所錄論文太陽篇。則孫氏以己意編次。誠不如本書善。檢其文字。今作鞭者。皆作堅。(千金方同)固瘕亦作堅瘕。蓋孫氏所據爲梁本。(按唐書隱逸孫思邈傳。隋文帝輔政。以國子博士召。不拜。密語人曰。復五十年。有聖人出。吾且助之。是時去梁亡不及三十年。故得見梁時舊本。思邈又言。江南諸師秘仲景法不傳。是其得之甚難也。若隋平江南以後。則仲景方十五卷已在書府。何憂其祕乎。)繼沖所獻。億等所校者爲隋本。故一不避隋諱。一避隋諱也。近世治經籍者。皆以得真本爲亟。獨醫家爲藝事。學者往往不尋古始。方喻以下。恣意顛倒。清世唯有成無已注本爲稍完善。然尙不能窺其本原。是本之出。非論古方技者之幸歟。或曰。昔禮記已行。而魏徵有類禮。說文以形分部。徐鉉復爲之韻。厥在醫經。素問。不刊之書也。然甲乙太素。卽重爲詮次。傷寒論錄在千金翼方者。太陽篇乃以方劑部署。其後朱肱作活人書。又類證而列焉。今獨矜其編次。何也。應之曰。近代治傷寒論者。若柯琴徐大椿據方爲次。卽千金翼方例。尤怡又據諸篇分列正治權變救逆諸法。亦於活人

爲近。是二者非吾所嘗也。方喻諸師。橫以叔和所編爲失次。自定其文。謂仲景本書故。然則誣罔亦甚矣。今以孫朱柯徐尤諸書。美也。學者比於類禮韻。謚可也。然不得禮記說文真本。卽亦無以信後。存其本迹以爲審。觀其會通以爲明。上工之事也。且以金匱玉函八卷之書。成無已許叔微尙時引其文。而元明以來不可見。此傷寒論十卷。獨完好與梁七錄無異。則天之未絕民命也。雖有拱壁以先駟馬。未能珍於此也。

## 金匱要略方論今釋自序

陸淵雷

予生清季衰末之世。上之不能立德立功。自致顯揚。次之不能隨黨國先進奔走革命。藉躋津要。下之又不能攀援依附。取富貴利達。其桀驁悍鷲之質。復不肯與草木同朽。乃遯於醫以自給。其治醫也。主以漢師訓詁。遠西科學。讀中土漢唐古書。博考深思。去其浮空執滯。爲之疏通互證。向之中西畫若鴻溝者。予則糅合爲一。故方術則中土。理法則遠西。心之所安。非敢好異也。近世俗師。多喜蘇派清淡之藥。取法葉天士吳鞠通王孟英。謂可以寡過。予則宗師仲景。又不若東邦所謂古方派之篤守成方。喜以己意出入增損。是以並世業醫者。無中西遠近。皆目予爲異端怪物。甚者造作蜚語。肆其抵排焉。而四方神交。學子後進。推崇獎飾。用相慰勉者。亦往往而有。豈其怪僻獨特之性。亦有同調歟。抑當時之毀譽。不足爲之勸沮歟。曩成傷寒論今釋。既已印行。今續成金匱今釋八卷。砌版既迄。乃爲之序曰。金匱要略三卷。舊題漢張仲景著。晉王叔和撰次。而宋臣林億等校理流傳者也。仲景自序。稱傷寒雜病論十六卷。說者謂十卷論傷寒。卽今之傷寒

論及金匱玉函經六卷論雜病。即今之金匱要略。然隋唐史志所載。有張仲景方十五卷。而無十六卷之本。外臺祕要引仲景方。在今之大論要略中者。皆稱仲景傷寒論。而每方注所出卷數。其百合諸方霍亂理中湯附子粳米湯四逆湯通脈四逆湯。並云出第十七卷中。肺脹小青龍加石膏湯越婢加半夏湯肺癰桔梗白散。並云出第十八卷中。是王氏所據其卷數與自序。隋唐志並異。且六卷之雜病論。如何刪併爲三卷。皆莫得而詳焉。至近出古本傷寒論。則作僞之迹顯然。既已有辨之者。可弗論。今之金匱要略。乃宋翰林學士王洙。得於館閣蠹簡中。曰金匱玉函要略方三卷。上卷論傷寒。中論雜病。下載其方。併療婦人。錄而傳之。林億序及陳振孫書錄解題。趙希弁郡齋讀書附志。皆云爾。林序又云。校成此書。仍以逐方次於證候之下。使倉卒之際。便於檢用。又採散在諸家之方。附於逐篇之末。以廣其法。以其傷寒文多節略。故斷自雜病以下。終於飲食禁忌。凡二十五篇。除重複合二百六十二方。勒成上中下三卷。依舊名爲金匱方論云云。是王洙所得者。蓋傷寒雜病論節略之本。故曰要略。今之要略。雖仍爲三卷。實則中下二卷刪併而成。又非蠹簡之舊矣。要略原書。上卷論傷寒。林氏病其節略。棄而弗取。然今存傷寒論玉函經。猶爲完帙。其中卷論雜病者。節略當亦如傷寒。林氏雖取千金外臺以爲附方。殆不能補完其舊。惜哉。王洙字原叔。應天城（今河南商邱縣）人。宋史本傳。稱其汎覽傳記。至圖緯方技陰陽五行算數音律訓詁篆隸之學。無所不通。又歐陽永叔歸田錄。載景祐中李照作新樂。照每謂人曰。吾樂之作。久而可使人心感之皆舒和。而人物之生。亦當豐大。王侍讀洙。身尤短小。常戲之曰。君樂之成。能使我長大乎。聞者以爲笑。則王之爲人。短小滑稽而博學者。嘉其蒐羅遺佚之功。因附及之。今釋體例。一如傷寒。因不別作凡例。傷寒所

據爲趙刻本。金匱則趙刻極難見。通行仲景全書。亦無佳刻。今據全書及丹波氏父子所校。錄之於篇。他日幸得趙氏原刻。當重校之。屬稿始於戊辰八月。後於傷寒今釋僅半載。其時任醫校教課。二書常同時屬草。傷寒今釋因讀者督促。倉卒付印。多未愜意。此篇則屢經改易。或不致與傷寒今釋並覆瓿乎。此篇改易續成之際。內子本琰已來歸。時助檢閱。因附其名。甲戌臘月陸淵雷記。

要略

丹波元堅

按廣雅曰。略要也。王念孫疏證曰。『孟子滕文公篇。此其大略也。趙岐注云。略要也。又說文曰。略經略土地也。』段玉裁注曰。引申之。凡舉其要而用功少者曰略。略者對詳而言。觀此諸說則要略二字。其義更晰矣。

金匱要略論註

四庫提要

金匱要略論註二十四卷（通行本）漢張機撰。國朝徐彬註。機字仲景。南陽人。嘗舉孝廉。建安中官至長沙太守。是書亦名金匱玉函經。乃晉王叔和所編次。陳振孫書錄解題曰。此書乃王洙於館閣蠹簡中得之。曰金匱玉函要略。上卷論傷寒。中論雜病。下載其方。併療婦人。乃錄而傳之。今書以逐方次於證候之下。以便檢用。其所論傷寒。文多簡略。故但取



雜病以下止服食禁忌二十五篇。二百六十二方。而仍其舊名云云。則此書叔和所編。本爲三卷。洙鈔存其後二卷。後又以方一卷。散附於二十五篇內。蓋已非叔和之舊。然自宋以來。醫家奉爲典型。與素問難經並重。得其一知半解。皆可以起死回生。則亦岐黃之正傳。和扁之嫡嗣矣。機所作傷寒卒病論。自金成無已之後。註家各自爭名。互相竄改。如宋儒之談錯簡。原書端緒。久已替亂難尋。獨此篇僅僅散附諸方。尙未失其初旨。尤可寶也。漢代遺書。文句簡奧。而古來無註。醫家猝不易讀。彬註成於康熙辛亥。註釋尙爲顯明。今錄存之。以便講肄。彬字忠可。嘉興人。江西喻昌之弟子。故所學頗有師承云。

## 傷寒論註

### 四庫提要

傷寒論註十卷附傷寒明理論三卷。論方一卷。(內府藏本)傷寒論十卷。漢張機撰。晉王叔和編。金成無已註。明理論三卷。論方一卷。則無已所撰。以發明機說者也。叔和高平人。官太醫令。無已聊攝人。生於宋嘉祐治平間。後聊攝地入於金。遂爲金人。至海陵王正陵丙子。年九十餘尙存。見開禧元年歷陽張孝忠跋中。明吳勉學刻此書。題曰宋人。誤也。傷寒論前有宋高保衡孫奇林億等校上序。稱開寶中節度使高繼冲曾編錄進上。其文理舛錯。未能考正。國家詔儒臣校正醫書。今先校定仲景傷寒論十卷。總二十二篇。合三百九十七法。除重複。定有一百一十三方。(案一十三原本誤作一十二。今改正。)令請頒行。又稱。自仲景於今八百餘年。惟王叔和能學之云云。而明方有執作傷寒論條辨。則詆叔和所編。

與無已所註。多所改易竄亂。併以序例一篇。爲叔和僞託而刪之。國朝喻昌作尙論篇。於叔和編次之外。序例之謬。及無已所註。林億等所校之失。攻擊尤詳。皆重爲考定。自謂復長沙之舊本。其書盛行於世。而王氏成氏之書遂微。然叔和爲一代名醫。又去古未遠。其學當有所受。無已於斯一帙。研究終身。亦必深有所得。似未可概從屏斥。盡以爲非。夫朱子改大學爲一經十傳。分中庸爲三十三章。於學者不爲無裨。必以謂孔門之舊本如是。則終無確證可憑也。今大學中庸。列朱子之本於學官。亦列鄭元之本於學官。原不偏廢。又烏可以後人重定此書。遂廢王氏成氏之本乎。無已所作明理論。凡五十篇。又論方二十篇。於君臣佐使之義。闡發尤明。嚴器之序。稱無已撰述傷寒。義皆前人未經道者。指在定體分形析證。若同而異者明之。似是而非者辨之。釋戰慄有內外之診。論煩躁有陰陽之別。讖語鄭聲。令虛實之灼知。四逆與厥。使淺深之類明云云。其推挹甚至。張孝忠跋。亦稱無已此二集。自北而南。先以紹興庚戌。得傷寒論註十卷。於醫士王光廷家。後守荆門。又於襄陽訪得明理論四卷。因爲刊版於彬山。則在當時。固已深重其書矣。

## 札記二則

穆

### (一) 胎臚藥錄

張仲景傷寒雜病論自序曰。

乃勤求古訓。博采衆方。撰用素問九卷八十一難陰陽大論胎臚藥錄。並平脈辨證。爲傷寒雜病論。合十六卷。——

節錄

案仲景所引之胎臚藥錄。未知作者爲何許人。其書亦亡佚。無從輯錄。惟仲景書中論藥效處。有爲神農本草經所無者。仲景是否根據於藥錄。雖不可知。要之。仲景所述之藥效。有出於本經之外者。則事實俱在。殆無可疑已。日本吉益東洞作藥徵。其弟子村井大年作續藥徵。考據仲景書之藥效。皆精當可恃。惟其書或雜以己意。刺取連綴。非仲景原文。故以仲景書與本經相比較。仍當於仲景原書中求之。茲略舉本經與仲景不同之處。如左。

1. 半夏

本經。味辛平。主傷寒寒熱。心下堅。下氣。咽喉腫痛。頭眩。胸張欬逆。腸鳴。止汗。——據孫星衍神農本草經輯本。

仲景。茯苓甘草五味去桂加姜辛夏湯方後曰。嘔者。復納半夏。

爾穆案。半夏治嘔。本經未提及。（別錄云。半夏主嘔逆。甄權亦云止嘔吐。）

2. 桔梗

本經。味辛微溫。主胸脅痛如刀刺。腹滿腸鳴幽幽。驚恐悸氣。

仲景云。少陰病二三日。咽喉痛者。可與甘草湯。不差者。與桔梗湯。（甘草湯甘草二兩。桔梗湯桔梗一兩。甘草二兩。）

爾穆案。桔梗治咽痛。本經未提及。（別錄云。療喉咽痛。大明本草云。喉痺。）

又案。仲景所用之藥。共百五十餘品。見於本經者。約百二十餘品。未見者共三十餘品。仲景藥品之未見於本經者。摘錄

數種如下。

蘇葉

半夏厚朴湯

艾

膠艾湯

柏葉

柏葉湯

白前

澤漆湯

薊

王不留行散

甘李根皮

奔豚湯

小麥

甘麥大棗湯

蜘蛛

蜘蛛散

豬膽汁

白通加豬膽汁湯

豬膏

豬膏髮煎

雞屎白

雞屎白散

苦酒

苦酒湯

中視

燒視散

以上見別錄

訶黎勒

訶黎勒散

以上見唐本草

神麩

薯蕷丸

雞子黃

黃連阿膠湯百合雞子黃湯

以上見藥性本草

又案。仲景風引湯有寒水石。(別錄同。)即本經之白水石。

(二) 二百五十餘字

太炎先生單論本題辭。謂千金診候篇引張仲景曰。欲療諸病當先以湯滌五藏六府云云。凡二百五十餘字。不詳所出。

案此二百五十餘字。卽在金匱玉函經中。惟傳寫間有不同耳。

## 爲紅蟲病敬告市民及醫家

徐瀛芳

近日南昌報載怪蟲病事。頗爲翔實。此蟲以前並未經見。去冬始知進賢門外一帶。患之者多。元明以後醫書。殊少論列。西醫譯本。亦未曾見。近聞附屬醫院稱爲蠶片蟲。乃象形立名。考隋唐以前古籍。已見著錄。如巢氏病源候論、千金要方、外臺祕要、俱載九蟲。八曰紅蟲。狀如生肉。此外又列三蟲。謂三蟲者。長蟲（包含蛔蟲、蟯蟲）赤蟲（卽紅蟲）蟻蟲也。並在九蟲之數。唐以前方書。如肘後方、范汪方、亦有療三蟲方。茲爲別擇而簡明分述之。一傳染。據本人推測。似由飲料水中帶入蟲卵。發育於腸部。二形狀。蟲長約寸許。紅如精肉。形橢圓。而兩端略銳。解下十餘分時。尙能伸縮蠕動。三證候。腸鳴腹痛。腫散鼻癢。睡中錯齒。神經易激動。或起瘰癧。久則肌體黃瘦。但不必齊見。或僅見一二證。四療法。普通驅蟲藥。如使君子、檳榔。似不足治此。至中藥之鷓鴣菜、苦楝根皮。西藥之山道年、綿馬膏。於此蟲是否有特效。亦不無疑問。且患者多平民。而小兒居十之七八。總宜擇簡便力峻之品。大抵正治。如和劑局方化蟲丸。肘後療三蟲方。搗桃葉絞汁取飲。廣濟方酢石榴根湯之類。太乙紫金錠治奇異蟲證。亦有神效。誘治。如金匱甘草粉蜜湯。張文仲方胡粉用肉羹調下之類。惟分量均宜。量人大小強弱。由醫師酌定。五節度。凡服殺蟲藥。宜隔宿勿食。次晨空腹服之。在每月上弦以前尤佳。並宜隔二三日。一攻。不可接連。又殺蟲藥多帶輕瀉性。若非便閉。不必多配瀉藥。六善後。服殺蟲劑二三次。

後。審其無蟲。(能用顯微鏡檢查糞便尤佳)宜服健胃補血等類之中藥。(舊說以爲扶脾)以回復體力。並注意飲食等一切衛生方法。

淵雷謹案。薑片蟲病。浙江蕭紹一帶流行最甚。蕭山瓜瀝鎮有一醫者。自製藥治之。甚效。且無腹痛嘔噁等副作用。惟其方祕不肯告人。壽君守型云。壽君文載鄙人前所編輯之醫報第九期。署名能模者是也。閱者幸參覽焉。

## 千慮一得

沈仲圭

常習性失眠。多屬神經衰弱之結果。患者精神抑鬱。思慮紛然。臥時常覺睡意毫無。而神情又非常疲乏。勉強入睡。有微夜不交睫者。(是曰前睡眠障礙)有祇睡三四小時。一到習慣醒時。即不能復睡者。(是曰後睡眠障礙)日間肉體困倦。心緒惡劣。腦昏耳鳴。目眩頭重。思致遲鈍。做事厭倦。勉強爲之。乖舛百出。其精神上之不快感覺。有非楮墨所能形容者。故不幸而成斯證。人生樂趣。盡付東流矣。此病治法。當分標本。治標如酸棗仁湯。琥珀多寐丸。或以酸棗仁一兩。生地五錢。米一合。煮粥食。亦良。治本如黑歸脾丸。天王補心丹及菟腦丸。總須選定一方。久服不輟。方有巨效。此症乃神經官能疾患。尤宜注重衛生。特撮述失眠之無藥療法如下。

1. 妄想過甚時。宜起床徐步。或流覽報章。待神經漸覺疲倦。再行安睡。
2. 倘覺睡思爲妄想所佔據。宜勉力沉靜觀念。理其頭緒。一念初發。即窮此念之起源而澄清之。再發他念。亦復如是。此

以念制念也。

3. 靜聽壁上鐘聲而默計其次數。此集中思想也。
  4. 入寢前。或輕微運動。或少食流汁。或溫水洗脚。此引去腦部之充血也。
  5. 枕宜稍高。并須輕軟。
  6. 注意大便之調整。夜膳後勿飲湯水。茶酒咖啡。尤忌。夜膳亦戒太飽。
  7. 寢室須南向。幽靜。勿點燈。但宜開窗以通空氣。
  8. 在不易入睡時。可低聲背誦愛讀之詩歌。然陳玉梅之催眠曲。俚俗不足取也。
  9. 臨臥用鹽含口溶化。或飲鹽湯一盃。有鎮靜神經之効。
- 余久患神經衰弱。并常失眠。故於此稍有心得。同病諸君。苟照上述藥物衛生等法。遵行不懈。則失眠之苦痛。將消滅於不知不覺間矣。

## 中醫脉學之檢討三

姜白鷗

### 第三章 脈管關係之脈搏

#### 一 脈管粗而排血量充實者——洪

## 二 脈管細而排血量充實者——弦

解剖學專家言：「人類臟腑之構造及裝置雖相同。然體格骨骼之大小修短則絕不相侔。」證之血管。粗細亦人殊。殆屬之生理。故洪弦二脈。獨見者皆非病。蓋排血量充實者。心組織發育強盛之證。故無病。根據血液循環立論。則洪脈乃脈管粗而緊張之候。反之。弦脈是脈管細而緊張者。所以脈搏之洪弦。基於脈管之粗細。

臨床上對於脈搏之生理病理。非老於診斷者。殊難辨別。若病理之弦脈。乃血管神經收縮之結果。其理詳見下條。

## 三 脈管緊張程度減低者——濡

血液循環。心臟能自動漲縮調節。心伸漲以受納靜脈血流。心收縮能使貯藏之血液噴射於動脈管。動脈管亦自具伸縮以順應環境。血液自心左室以達動脈管。流行迅速。壓力極大。脈管緊張。富有彈力。故壓力大者。脈搏亦大。壓力弱者。脈搏亦弱。凡壓力弱者。心左室運動減衰。射血量減少。故血行緩。血行緩則脈管緊張程度減低。斯時驗其脈搏。細軟而無彈力。即所謂濡脈是也。愚嘗推究其故。當是全身營養不良所致。臨床上每見濡脈者。多為慢性傳染病。肺病及貧血患者。其候面色蒼白。身體羸瘦。精神衰弱。食慾不振。皆屬營養不良。

又嘗反覆比較舊說。『濡脈為氣血不足之脈。其證虛損自汗。盜汗短氣。久病見濡者不為凶。暴病得此者必死。』證以近世科學之說。殊為覈實不誣。夫氣血不足。即身體衰弱之兆。虛損自汗。盜汗短氣。為慢性傳染病。肺結核等重要證候。久病營養不良。血壓低落。脈與證相合。故不為凶。暴病見濡者多死。例如失血後見濡脈。而經驗上決其必死者。因



血少心弱。血壓低落。血管神經弛緩。此脈與症不相應也。

動物生命之關鍵。厥爲心肺腦三者。苟一旦發生障礙。其危險自不待言。濡脈乃營養障礙之影響於循環障礙者也。  
(待續)

## 腹痛辨

陳史六譯  
賀壽康藏

### 腹痛以外症狀之有無

以上疾患中。僅有疼痛。而其他症不明。又有一方疼痛而併發其他症狀者。然疼痛爲各種自覺症中最明顯之症候。故病者亦極爲痛苦。而皆有立時除脫之希望。但其他症狀中如嘔吐下痢。無論何人一望而知。此等腹痛以外之症狀。有雖知而忽略過去者。故能發現此等症狀與否。爲醫者與非醫者相異之點。亦爲醫者優劣之點。醫者以爲腹痛僅屬惟一症狀。苟仔細診察。即發現其他之症狀矣。又有其初不甚明瞭。稍稍經過時間。因而漸漸明瞭者。又此等腹痛以外之症狀。或爲某疾患中之特有者。又有許多疾患共通者。或者疾患相同而症狀則異。有時似有似無。似強似弱。

### 腹痛之輕重非與病之輕重必係一致

因種種之疾患而起之腹痛。其劇烈者。則須注射鎮痛劑。方可治痛。其有更劇烈者。經一次注射。猶爲無效時。或有之。而其主要者。即係胃痙攣。胃潰瘍。胃腸穿孔。急性腹膜炎。急性脾臟炎。脾臟出血。脾臟結石。小腸捻轉。急性蟲樣突起。炎症。

石症胆囊炎游走腎之嵌頓腎石嵌頓內歇爾尼亞嵌頓子宮外妊娠破裂等是也。有患此類疾患者。宜及早治療。而不可稍稍延宕。但游走腎及結石嵌頓。卽不用手術。亦能自愈。再如胃痙攣及歇斯的里。亦可不治自愈。他如發劇烈之腹痛者。未必悉爲危險之症。故以上各種疾患。雖常發劇烈之腹痛。亦未必悉有危險。又如蟲樣突起炎。有發劇烈疼痛者。但疼痛極輕時亦有之。凡疼痛劇烈之時。疾病亦重。固常例也。但往往疾病與疼痛程度不一致者。如胃腸穿孔脾臟出血。子宮外妊娠破裂。蟲樣突起炎。急性腹膜炎之初期。雖有劇烈之疼痛。然因時日之經過。而自然輕減。及至末期與類死時。猶無痛苦之感覺者。故此類疾病。吾人不可因痛愈而遽說夙病皆瘳。竟作樂觀態度。應視全身狀態而判斷。是爲治病必須之條件。

除上記疾患以外。猶有一種疾病。其疼痛比較輕減。但有時亦須發劇烈疼痛。或竟有時毫無疼痛之感覺。故其疼痛往往因人而大有迥殊。

#### 關於腹痛之其他事項

疼痛發作。其狀態各異。有突然起急劇之疼痛者。(一般劇烈之腹痛發作。)有緩緩疼痛者。有疼痛而有持續性者。有疼痛由重而漸輕者。有疼痛由輕而漸重者。有忽止忽作者。不但疼痛發作之狀態各異。卽其性質亦不相同。有疼痛如割。如刺。如細切。如捩。如燒。如重壓。或無間歇者。此等疾病。因疼痛之性質。雖得略下診斷。但多數疾病。僅藉疼痛而下診斷。頗爲困難也。(未完)

## 單方藥「蒲崙頭」見聞錄

王念茲黃岩寧溪

名稱 蒲崙頭（原來之稱號）

別名 賊褲帶（國人之俗稱）山埔崙仔（台灣）印度雁皮（日本）

學名 *Wickstroemia indica* C.A.Mey

科屬 瑞香科雁皮屬之木本植物（以上係台灣皇漢醫報主任編輯蘇錦全同志指示）

應用部分 本植物之根部外皮

形狀 葉對生。卵圓形或長卵圓形不等。色綠。濃淡不一。視土壤之營養價多寡而定。莖赤褐色。或對生。或互生。其粗細以年齡及營養而異。根爲細長美麗。淡黃或黃褐色。卽入藥之部。

氣味 入藥之部。在新鮮時。具有強烈不快之特異氣息。與醚（以脫）無二。乾後略遜。味微甘。嚼後。舌細胞有灼熱之感。移時不能失。

主治 胸骨。肋骨。脊柱。腰柱等骨之生理變態。機能障礙。而起之疼痛。或受跌打損傷而起之疼痛。又據蘇錦全同志之經驗。如橫痃水腫皆有效。而腫毒亦能治。

配伍 紹酒或高粱。或其他酒精飲料。依患者平日之飲量與之。另和紅糖小許。爲調味之用。

服法 將主治藥切成細片。盛於有蓋之瓷器（俗稱捫碗）內。將酒類烹熱。注下蓋好。約十五分鐘。加入糖類。攪勻。與患者服之。

治驗 茲於未攻醫藥之前。久聞此藥之名。客歲冬十一月間。家父因整理臥房。爲重物所猛擊。受傷之處爲頭頂。然不十分重傷。四天之後。突訴胸骨。肋骨。發痛不可按摩。不可展轉。乃入山採得此藥。如法配服。次日即告痊癒。此爲茲親身經歷之事。而耳聞者更不知其幾許矣。

附註：近據懷縣石飛郭若定氏（著有漢藥新覺一書可供醫藥學家參考之用）之初次簡略試驗云。「味辛而麻竄。與注射局部麻醉藥古加因 Cocainum 同一感覺。其功效能亘數小時。想係一麻醉性之毒物。用大量或可致死。惟局部刺戟太強。不宜作注射液。」故不憚煩錄之。以供諸先達之參酌焉。

## 溫病論衡（續）

謝誦穆

### ●作者之意見

傷寒溫病時行。皆疾病之集團也。傷寒有五。幾成套語。溫病概風溫濕溫之類。時行涵葡萄瓜瓢諸瘟。徵諸舊說。則所包皆不止一病。冠以集團之頭銜。固名實悉稱者也。三者之所包羅。既不止一病。則所包之病。得無有相同者。或傷寒與溫病同。溫病與時行同。時行與傷寒同。苟有所同。則三者相異之藩籬。即有崩決之傾向。而以溫病與傷寒對抗者。將自顯

其悠謬。以時行與傷寒爲絕不相同者。亦將自呈其敗缺也。

葉天士以後。言溫病者多其支流。今之所論。亦以葉氏一派爲標的。葉氏以後之濕溫。考其證狀。實爲遠西之腸室扶斯。而丁福保氏等。則以腸室扶斯之證狀。爲在傷寒論中。

丁氏曰。輕症腸室扶斯。卽古書之所謂太陽病也。若輕症不愈。而變爲重症。其熱爲稽留狀。或往來。或間歇者。卽古書所謂轉少陽也。病重者。其熱稽留而不往來。卽古書所謂陽明症也。若合併膽液熱腸胃熱者。卽古書所謂少陽病胸脅苦滿。或太陰病腹滿是也。遷延神經熱。卽古書所謂少陰病也（下略）。

丁氏以腸室扶斯爲傷寒。淵雷夫子以溼溫爲腸室扶斯。章師次公以腸室扶斯爲溼溫。其所編之醫案講義中有曰。溼溫症……按之西醫藉。亦甚昭合。已故西醫錢崇澗之言曰。傷寒病人之心臟。易爲傷寒桿菌所侵害。故易於心臟衰弱。（下略）。

一則溼溫。再則傷寒。此處之傷寒。爲腸室扶斯譯名之一。兩兩對舉。則腸室扶斯非溼溫而何。由是言之。傷寒溼溫腸室扶斯者。一病而三名也。故淵雷夫子謂溼溫卽是傷寒。傷寒卽是腸室扶斯。病名有三。實爲一病。溫病中居重要地位之溼溫。已與傷寒一貫。則傷寒溫病之間。寧復有鴻溝可劃耶。近人有謂腸室扶斯不當譯作傷寒者。然考其證狀。固多與大論合。使症狀不相符。則雖強名之曰傷寒。其勢不可得。症狀而合矣。則字之曰傷寒也。庸何傷。

溫病與時行之區別。在乎傳染與不傳染。然溼溫卽腸室扶斯。爲傳染病之一。是傳染與否。又不足以界限溫病時行也。

喻嘉言云。一人受之。則爲溼溫。一方受之。則爲疫癘。蓋亦知溼溫有傳染性也。喻公精思冥悟。其妙契如此。丁福保氏曰。據素問難經之說。則知傷寒爲發熱病。據仲景之說。則知傷寒爲傳染病。蓋必發熱傳染二者相兼。而後傷寒之條件完成也。惟傷寒能傳染。是以古人稱爲天行。實已得其真相。故就傳染一點觀察。則傷寒時行。亦無庸各立門戶矣。

要之。傷寒溫病時行三者。爲熱性病之三個集團。實皆含有傳染病者也。因三種病皆含有傳染病。故不免有相同之病。而無從嚴分界限。然三集團所含之病。並不一致。因不一致。故三種病亦不能絕對視同一病也。故謂三種病絕不相同。則以共有傳染病故。此說決不能成立。謂三種病絕對相同。則所含之病不一致。其說亦不能成立。質言之。則三種病雖不能謂爲絕不相同。然以含量之不一致。則正有不同可言。所謂不同。不在整個傷寒集團。與整個溫病集團之不同。而在傷寒集團中所含之某一部分病。與溫病集團所含之某一部分病不同。非全體之不同。乃局部之不同。故傷寒等三集團。既不能謂爲整個相同。亦不能謂爲整個相異。一一考察其所含之疾病。同其所同。異其所異。斯不主故常。無所偏執矣。

關於傷寒溫病時行異同之意見。略具於是。有不愜於理不安於心者數事。一爲寒溫之檢討。二爲傷寒之範圍。三爲南方無正傷寒。請爲讀者畢其辭。

傷寒溫病。簡稱寒溫。然傷寒證候之全經過。未必皆寒。溫病證候之全經過。未必皆溫。傷寒之證候。可分爲寒溫兩大端。

溫病之證候。亦宜分爲寒溫兩大端。此吾之所謂寒溫。非楊栗山等傷寒只有寒。溫病只有溫之寒溫也。握刀圭以施治者。自不能囿寒溫兩字而不變。吳鞠通謂燭其爲水之病也。而溫之熱之。燭其爲火之病也。而涼之寒之。鞠通以爲傷寒皆當溫之熱之。故但見大論有桂麻諸方。而不見大論有芩連膏黃諸方。以爲溫病皆當寒之涼之。故條辨經緯。藥皆偏涼。所錄溫散諸方。取其溫散寒溼。並不用以救逆。備員充數而已。非於元氣虛脫。急待救逆之際。有真知灼見於其間也。故下焦篇所列復脈救逆兩方。皆軟弱依違。全不得力也。溼溫用參附之法。錄之如下。

溼溫月餘。身熱汗多。神識模糊。譫語鄭聲。唇燥口乾。不欲飲。穀食不進。舌苔乾膩。脈象沈細。此溼邪久困太陰。陷入少陰。溼爲陰邪。最易傷陽。衛陽失於外護。則汗多。浮陽越於軀壳。則身熱。神不守舍則神糊。與熱入心包者。有霄壤之別。動則微喘。胃氣不納也。十餘日未更衣。此陰結也。脈證參合。正氣渙散。陰陽脫離。卽在目前。急擬參附回陽。龍牡潛陽。苟能陽回神定。庶可望轉危爲安之幸。

別直參	熟附塊	左牡蠣	大砂仁	仙半夏	炙遠志
花龍骨	硃茯神	炒棗仁	北秫米	浮小麥	

淵雷夫子謂溼溫陰證。當用附子。此案從丁甘仁先生醫案中錄出。其用意與淵雷夫子不謀而合。次公師云。『錄此案以見溼溫症譫語神昏唇燥口渴。有用參附之法。溼溫症三候以前。醫者果能頭頭是道。絲絲入扣。本非難醫之病。若一月以後。則難於應付矣。病人等是神昏譫語。而此間有虛實之分。等是煩躁口渴。而此間有寒熱之判。稍一不慎。功虧一

贊。甘仁先生此案。病者脈已沈細。其爲當溫當補。固顯然已知。倘病人脈大而軟。則淆亂醫者思路。在有膽識。尙不難毅然以參附與服。若在市醫。則顧慮其苔膩不當補。懷疑其神昏不當溫。徘徊穩健之途。而病人死矣。」

葉子雨曰。寒暑異治。血氣攸分。是固然矣。若不明互根之理。極力界劃。反有寒暑倒置之禍。細讀素問諸熱論。仲景傷寒論。便不河漢斯言。所謂互根。以舊說言之。譬如人受寒而病熱。此熱根於寒而來。熱極或變爲少陰寒證。此寒又根於熱而來。若中陰溜府。轉爲熱證。則此熱又根於少陰寒證而來。寒熱之變動不常。時相因襲。此之謂互根。然則目傷寒爲全屬寒證。目溫病爲全屬溫證者。不思之甚矣。

溼溫有適用參附之證。已如上述。然讀者遇溼溫時。宜細心診察。若貿貿然與以參附。則易肇意外。武斷之與膽識。蓋貌似而神異也。

章太炎先生曰。「傷寒是廣義之傷寒。非專指發熱惡寒一種。而自唐以來。或以狹義視傷寒論。如唐孫思邈千金翼方。首謂傷寒全論。不過三方。桂枝麻黃大青龍是也。其餘均爲救逆之方云云。余意不然。若小青龍湯。亦豈爲救逆者乎。又如金劉河間以爲傷寒論祇論傷寒。與溫病無干。詎知傷寒論提綱中。已說明太陽病發熱而渴不惡寒者爲溫病乎。」又曰。「觀仲景序論云。宗族數百人。十年之中。病傷寒而亡者過半。則非一種傷寒可知。」又曰。「雖未能盡諸病。庶病可見知源。若能尋余所集。思過半矣。苟其中不涉溫病。何能思過半耶。」

溫熱經緯中有仲景伏氣溫病篇。伏氣熱病篇等。是王孟英亦知仲景書中有溫病。足爲仲景書中有溫病之反證。然伏



氣新感。仲景之所不言。孟英割取傷寒金匱。爲仲景伏氣溫病仲景伏氣熱病諸篇。或指爲伏氣。或指爲外感。則鑿空逃虛。吾所不取。葉子雨評之曰。

節錄陽明篇病兼表裏客熱上乘於心之梔子湯證。客邪聚中焦經氣燥熱之白虎加人參湯證。及猪苓湯禁一條。又摘寒熱虛實讖語十一條中之三陽合病一條。謂是伏氣。至夏至後而發者之熱病。嗟乎。仲景論中。六經治法。井然不紊。示人以活法。奈何方中行等不探奧旨。各逞私說。海甯竟指此爲伏氣。彼爲外感。逞才穿鑿。顛倒是非。所謂伏氣。究屬何氣。又不能實有指歸。可寶之書。臆斷若是。况下此者乎。（下略）

秦皇士傷寒大白。謂仲景之書。不可治南方之病。陸九芝先生辨之曰。

夙聞松江秦皇士有傷寒大白一書。以謂傷寒論之難白者。得此可以盡白。而惜無由求白於皇士也。取而讀之。乃知其意。蓋謂仲景所用桂麻。乃治河北長沙北方冬月之病。江浙東南。爲南離已午地。患此絕少。故以春夏秋冬分隸南北。謂清裏同而發表異。教人以桂麻二方。只可施諸北方冬月。不治春夏秋三時南方之病。篇中不厭重複。一則曰冬月北方。再則曰北方冬月。一則曰三時南方。再則曰南方三時。夫桂麻二方。誠有不宜於三時者。卽北方亦何嘗不然。若南方而感風寒。未成溫熱。卽三時亦未必定無桂麻證。而其一再言之。直若北方獨有冬月。南方只有三時。何其悖也。况其鑿分南北。則其於南北方位。當必有釐然不爽者。乃問其所謂北方者何。則長沙也。長沙卽湖南長沙府。以方輿計之。正與江浙昆連處東西相望。且略迤南。乃以湖南改作河北。則似長沙不在洞庭之南。而在大河之北矣。問其

所指爲南方者何。則江浙也。江浙之地，但可曰東，不可曰南。乃以震巽之間，直移諸南離巳午，則似江浙不在大江之左。而在嶺表之南矣。不特此也。仲景南陽人，長沙乃其所歷之官。當其守長沙也，宗族五六十人，未必皆死於長沙。則論仲景者，自當就南陽言之。南陽卽今河南南陽府南陽縣。於漢時爲涅陽。以方輿計之，亦與江南寶應一帶東西相望。況其所據以爲北方者，且不在南陽，而爲長沙乎。凡論地理，當就天下之中，以定南北，而分東西。長沙江浙，就天下之大論之，實亦相去不遠。非真南北迢迢，東西亘亘，有萬里之隔也。而人之於病，病之於藥，亦何至有宜於此者，必不宜於彼者，必不宜於此哉。乃將千古以來一定不易之地輿，信手改南作北，指東爲南，而江浙之地，遂自此無桂麻證。於是南人無傷寒之說，遂盛行於江浙間。今乃知始作俑者，卽不識南北，不辨東西之秦皇士，而傷寒論於是乎大不自於天下矣。（未完）

## 治驗

### 胃病醫案選（續）

章次公著  
張德正藏

醫鈔類編食痺證治

食已。心下痛隱隱。不可名。不可忍。吐出痛乃止。名曰食痺。經云。寒氣客於腸胃。厥逆上出也。宜紫沉丸。

紫沉丸

砂仁

半夏麩各三錢

烏梅去核

丁香

檳榔各二錢

沉香

杏仁各一錢

巴豆霜五分

白朮一錢

白蔻仁五分

木香一錢

陳皮五錢

爲細末。入巴豆霜。醋糊丸。黍米大。每五十九。食後姜湯下。潔古治中焦吐食。或先痛而後吐。或先吐而後痛。脈浮而弦。

致西醫藉凡食後而心下痛者。惟胃潰瘍症有之。其所以疼痛。即因胃有潰瘍。受食物之刺激而作。故其療法之目的。用收斂劑。如鹽酸過多。則用制酸劑。並通順大便。收斂劑用次硝酸蒼鉛。制酸通大便。用人工鹽。(元明粉一類藥物。)

病者食已心下痛。隱隱不可忍。吐出痛乃止。其症狀與胃潰瘍症相同。潔古之紫沉丸。芳香刺激藥較多。於胃潰瘍症是否相宜。不費繁言而解。東人渡邊熙和漢處方各論。謂理中湯可治胃潰瘍。以學理言之。則比較的可信。蓋雲苓含有澱粉。甘草含有多量之粘滑性物質。此二者皆能被護病處。緩和外來之刺激。黨參含有澱粉及少量脂肪。炮姜能收斂止血。二藥用於胃潰瘍亦甚相合。但白朮與奮刺激。當去之。

趙海仙醫案

朝食暮吐。胃無火也。

生姜半夏陳皮煎湯。時時服之。並服安虻烏梅丸。先用烏梅丸服。後用附子理中湯亦可。

按 朝食暮吐。為胃臟消化力不良所致。古人以為無火而用溫藥。無非健胃作用。亦不外辛辣健胃而已。食入即吐。胃有火也。擬大黃甘草湯為治。

錦紋軍三錢 甘草粉錢半

按 食入即出。乃食傷之徵。即急性胃加答兒也。大黃有健胃通便之作用。用以治本症。既可使所積之食排出。又能健胃。使積于胃內之物。加速消化。

隨證醫案筆記卷二

楊云。嘔吐反胃。飲可下而食不下。大便閉結。細如豆粒。醫治四月無效。予診脈弦急速。乃年高營衛虧損。胃脘乾槁。則血液枯竭。遂成腸結。糞如羊矢。服藥殊難見效。勉用五汁安中飲。潤燥養血。以冀萬一。

五汁安中飲（張任侯）

牛乳六分 韭汁 薑汁 藕汁 梨汁各一分和服

按 大便細如豆粒。為腸管狹窄之徵。因腸管之狹窄。大便通過此間。受其束縛。故呈溝狀切痕。故爾大便乃如豆粒。此

症如因空腸迴腸之狹窄。愈在上部。愈易發胃症候。嘔吐時發。或吐糞狀物。此症難治。五汁飲亦無大效。(未完)

### 醫案

陸淵雷

鄙人爲人診療。向不留方案底稿。前爲上海國醫學院諸生實習計。會躬任某慈善機關施診職。病人復診時留下原方。多被諸生取去。一二八後遷居滬北。辭去施診職。住址距向日熟識病家太遠。病客驟少。近日遙從同學及本刊讀者。多要求發表醫案。當接函開讀之際。未嘗不思鈔留方案。比診治時。輒又忘卻。且普通小病之方案。亦無刊載之價值。今酌刊數案。按期繼續。讀本刊者。不少刀圭高手。如蒙賜教。指其謬誤。幸甚。陸淵雷識。

孟君 此係遙從同學陳渭濱函請擬方者。陳之原函已棄去。故病人年齡職業諸項俱已忘卻。此方乃渭濱函請改方時鈔存也。

五月廿四日第一方 據函肺結核第二期。項間亦有淋巴腺腫。夜有微熱。欬唾黃綠痰。時夾血。飲食少味。時復遺泄。脈兩手細數。舌色絳。宜葛可久法。一面怡養性情。善食將息。

- 銀柴胡二錢。
- 炙鱉甲三錢。
- 青蒿後下錢半。
- 生熟地各四錢。
- 天麥冬去心各三錢。
- 川貝母打去心三錢。
- 叭杏仁去皮尖打三錢。
- 炙紫苑三錢。
- 款冬花炙二錢。
- 肥知母二錢。
- 地骨皮二錢。
- 蓮鬚二錢。

生龍骨先煎四錢。

煨牡蠣先煎八錢。

五味子一錢。

桔梗錢半。

真阿膠去滓。後入烱三錢。炙草一錢。

孟君服前方病減。陳君復來函求方。淵雷夫子詳答如下。誦穆附識。

孟君病潮熱退。口味佳。是極好現象。其效痰諸證。本非短期間可取效。此病藥效遠不及佛法之效。奉佛除念經外。尤重「常存慈悲喜（猶今人謂同情心）捨心。」及「菩提心。」（甚難說明。說其近似。則心中純是天理。毫無人欲。）孟君宜真實知此理方好。另附第二方。服至全無潮熱再換。

孟先生 六月十二日擬

據函。服藥五劑。口味已轉。食思如平時。潮熱亦大減。但未盡。效痰。淋巴腺腫。胸中隱隱痛。遺泄。俱依然。此固非倉猝可愈者。脈細數有力。每分鐘八十九至。舌絳。中心微黃。脚弱腰痠。

天麥冬去心各四錢

大生地六錢

地骨皮三錢

青蒿後下二錢

炙龜甲三錢

銀柴胡二錢

川象貝各三錢

桑白皮三錢

綿仲四錢

懷膝四錢

生龍骨先煎五錢

煨牡蠣先煎一兩

炙百部二錢

五味子一錢

茜根炭二錢

真阿膠去渣後下三錢

炙草一錢

王先生

有反胃宿疾。發則勺飲不得下。今先以小半夏加茯苓湯。緩緩飲之。藥盡嘔當止。再議對證方。

生半夏八錢。湯洗去滑。醫生負責。藥舖照配。雲茯苓六錢。

伏龍肝一兩。

生薑一兩。

孫寶賢  
瘧愈後復發。熱多寒少。面色痿黃。脈甚細。苔甚薄。當補益。

柴胡二錢

生白朮二錢

陳皮二錢

常山錢半

炒潞黨三錢

枳實錢半

草果一錢

鮮首烏四錢

雲苓四錢

炙草一錢

穀麥芽各三錢

再診

瘧遂輕減。脈亦略起。神色較活。惟舌白甚。可知寒多。

柴胡二錢

乾薑八分

姜半夏三錢

桂枝後下一錢

炒潞黨三錢

陳皮二錢

生常山錢半

生白朮二錢

穀麥芽炒各三錢

炙草八分

紅棗四枚

董寶寶

痧子後身熱彌月不退。下利日四五行。面色晄白。神氣委頓。大有危險。

黑附塊二錢 白朮生用二錢 生炙草各七分 乾薑一錢

太子參二錢

薛右 曹家渡

奔豚發作時。痛極不可觸。其塊上衝至胸。嘔吐。今痛稍減。而痞滿食少。脈遲舌淡。

桂枝後下四錢 乾薑一錢 枳實錢半 白芍二錢 蜀椒炒去汗開口一錢

炙草一錢 太子參四錢 姜半夏四錢 紅棗五枚

### 不識病而愈病之一例（淵雷）

舍間上自椿萱。下至幼女僕媪。約十餘人。除家君亦自知醫外。誦穆及內子

球。俱係前上海國醫學院畢業生。門徒林徵五。——今方學成歸里懸壺。——亦是學院舊生。來從學習者。此數人皆能使藥治病。故家人偶有小病。非皆鄙人診治者。倘一二藥而不愈。然後問及鄙人。此常例也。前日內子琰小有感冒。自疏荆防前胡薄荷等味服之。越二日。復作寒熱。熱時脈數唇乾。甚壯。乃又疏黃連解毒湯服之。寒熱依然。鄙人視之。寒熱起落日數次。常微惡寒。旋即發熱。熱時面赤氣粗口渴。乃曰。此大論所謂「發熱惡寒。熱多寒少。日二三度發」者也。以其氣粗口渴。為作桂枝二越婢一湯與之。原方紙已不存。約略記得桂枝錢半。麻黃七分。赤芍二錢。石膏八錢。他佐藥稱是。一服熱減。再服霍然愈矣。此等寒熱。似瘧而非瘧。究不知是何病。但依證處方。效驗如此。張仲景誠惠我無疆。余所以有



「不識病能愈病」之說也。

附疑問二則。幸海內高明賜教。(一)小兒麻疹。相傳忌肉食。吾儕常以此戒病家。無敢犯而試者。依法治之。殆無不愈。近有一天津估客張某。時以念珠宣德鑼碑帖等物。來敵寓求售。偶言彼之老鄉親——津人稱同鄉也——傳一方。麻疹初起。食羊肉包子。不論湯煮鍋帖。飽食而眠。疹點即暢出。經過順利而愈。云已試三數兒皆驗……此誠吾儕所不敢試。且彼所舉皆津沽北方人。不知南人亦可效鑿否。(二)脚癬。常於脚底起小顆粒。中含水。殆是淋巴液。奇痒。抓之則顆粒更隆起。破之出水。脫皮而愈。不破亦自乾涸。皮脫而愈。甚則破處水續出不已。此常見之小病。同病者想不在少數。鄙人則不但患脚。亦患手。記二十歲左右。忽一指奇痒。抓之見小顆粒。與上述之脚癬同狀。其後屢見。或但痒而不見顆粒。刺而擠之。亦出水。以致手指掌之陰面常常脫皮。至三十左右。忽右中指首一節隱隱作痛。時在南京。一醫教用紫草——彼時南京藥鋪買得。今問之上海藥鋪。乃云無有。此物熬出紫汁。而非紫草茸——熬豬脂。塗傅而密封之。試之。痛果已。其後又痛。又試即不效。既而痛自止。而此指之爪甲。甲面角質與其下層分離。角質照常長出。其下層不與俱長。分離處時大時小。藏垢難剔。甚惡之。至今十年。不甚求醫。亦終不得效方。因思指甲病或與顆粒之痒有連帶關係。雖不害事。亦當知其可治與否。及治之之法。鄙人誠所謂「自作醫生藥不靈」。海內多聞君子。倘有以賜教。則幸甚。淵雷附識。

# 課卷

## 腺體之研究（第十號習題）

導字一九五學生孔伯毅編

愚從淵雷夫子習醫。第一學期完畢。夫子命學生自出題。自作文。以測學力。用意甚善。因以研讀生理學所得。輯爲斯篇。膚淺簡陋。不免貽笑方家。幸夫子進而教之。

### 緒論

腺體有二。營外分泌作用之器官。均有排泄管。其分泌物卽由此管排出。謂之有管腺。營內分泌作用之器官。均無排泄管。其分泌物卽混入血液。輸送於各部。謂之無管腺。以其富於血管。遂又稱無管腺爲血管腺云。

人體生命之活動。全賴各器官功用之相互的關係。而腺體之分泌。實居重要之位置。蓋其分泌物之生理作用及化學作用。可以增進全部器官機械之效率。而生命得以繼續。據科學上之研究。人體一部份器官。因分泌作用之不健全。而呈衰弱頹喪之病態。用精壯動物之同一器官。取其腺質製劑以補助之。則病者可以霍然而愈。近日之返老還童術。卽以動物之性腺。換人體之性腺。頗得良效。是其實例。至其可以相換之理。則因細胞與本體脫離關係後。必經過十二小

時乃至二十四小時方死故也。

西人發見腺體。不過二十六年前。前此無人知之。但腺體之作用。我國二千餘年前之內經已言之。此確為東方學術之優點。絕非附會之談。內經之言曰。「男子一八腎氣盛。齒更髮長。二八天癸至。精氣溢寫。陰陽和。故有子。女子一七腎氣盛。齒更髮長。二七天癸至。任脈通。太衝脈盛。月事以時下。故有子。」上文云男子之天癸及精氣。下文云女子之天癸及月事。則天癸不是男子之精氣。尤其不是女子之月事。然則所謂天癸。非指無管腺之內分泌而何。不過古人為時代所限。不能言之澈底耳。

腺體在人身之中。附麗於肌肉或皮下。或藏器內壁膜之裏層。大者小者。不可勝計。以顯微鏡窺之。其中有組織。有房有核。有血管。有纖維神經。其功效特大。能吸收新陳代謝之廢料。及脈管壁滲出之血漿。能排泄外分泌或內分泌。以調和或抑制各組織各藏器之活動焉。

體之種類甚多。尙未盡知。即已知者。仍有一部份之功效。未盡明瞭。不嫌辭費。謹就已知者羅縷紀之。

上編——有管腺（外分泌）

上皮細胞團結而成特別之腺。由導管輸出分泌物至需要之處。（1）如涎腺分泌涎。（2）消化腺。分泌胃液腸液胰液。（3）副消化腺。分泌膽汁。（4）乳腺分泌乳。（5）淚腺分泌淚。（6）耵聍腺分泌耳蠟。（7）皮腺分泌皮脂及汗液。（8）淋巴腺分泌淋巴液。（9）性腺分泌精液及卵子。等等。凡此皆屬有管之腺體。其所分泌之物。謂之外分泌。

- (甲) 耳下腺 (頸腺)
- (乙) 頰下腺 (顎下腺)
- (丙) 舌下腺

口內消化液曰涎。分泌涎之腺名曰涎腺。亦曰唾腺。此腺有三對。即(甲)耳下腺。(乙)頰下腺。(丙)舌下腺。此三腺之末端。各有球囊如葡萄。耳下腺最大。頰下腺次之。舌下腺又次之。其所分泌之液。與口腔黏膜腺所分泌之液。相合而成涎。人體各腺。其工作之速。而於同時分泌多量之液。無一能如涎腺者。蓋涎腺能於一旬鐘內分泌約八至十四倍於身體各腺之重量也。又涎腺與生殖腺(性腺)有關。少陰證舌枯得附子即潤。是其證也。(未完)

# 答問

郎桂生問

(1) 金匱中之虛勞。篇似乎非是陰虛而熱之病。而肺痿似乎是陰虛而熱。中醫總名其為虛勞者。因皆屬虛而火動之症。然雖皆火炎上。而一是火衰。(即陽虛也。)而致水逼火上炎。乃假熱也。一是水衰。(即陰虛。)水不能鎮火。致

火上炎。非假火也。故陽虛性虛勞。宜建中湯。（即虛勞篇內）等。而陰虛性宜保陰六味等湯。不知夫子以爲如何。祈指正。

（2）又稟質素虛。其弱由於父母之遺傳。胃弱而脾強。受納不能加多。且極易上逆。見嘔吐之症。然吸收之機能尙健。肌肉尙較平人爲肥壯。近年以來。因勞而現虛症。其人雖肥壯。然不強健而結實。平日每易發痧。見頭痛嘔吐等象。此等病可否賴藥力而入健康之途乎。

（3）又胃強脾弱之症。食多痰多。四肢肌肉不見強壯。蒼白朮不可使之轉佳乎。

### 淵雷夫子答

（1）金匱虛勞。不盡爲陰虛。是也。肺痿爲陰虛。亦是也。謂「總名爲虛勞者。因皆屬虛而火動之症。」則非。虛勞但謂因勞而虛。並無火動之意包含在內。不得因勞字從二火。而指爲火動也。知此。則下文云云。皆不成問題矣。「水逼火上炎。」更不能成立。吾嘗論「舊說所謂「陰盛」者。其陰分並非有所贖餘。不過陽弱不足配陰而已。」（病理講義中。似有此說。）陰既非贖餘。安有逼火上炎之事。且水如何能逼火上炎。豈非太渺茫。此證只是虛陽欲脫耳。陽性向上。故其脫有上炎之象也。然此別是一事。非所釋金匱之虛勞。亦不可謂金匱虛勞中絕無此證。其謂虛勞或宜補陽。或宜補陰。則仍是也。

(2) 此恐是肥胖病。(中醫無此病名。因向來不以肥爲病故也。)非胃弱脾強之謂。藥之可以稍健。而大要在於衛生攝養。

(3) 蒼白朮固可用。然須隨其證與他藥相配。不能專恃朮。

### 李奇山問

問傷寒今釋七卷廿七頁二行 觀廿六頁後第八第九第十第十一各行。心下痞者。宜吳茱萸湯。爲理中湯所忌。今痞未盡除。因枳實理中湯……又二行吐瀉後。心下痞者。枳實理中湯。兩者雖有枳實。但理中湯色所宜乎。

答理中湯主藥爲人參。主證正是心下痞。上文謂厥冷而痞者。宜吳茱萸耳。此則不厥冷。但見虛寒之痞。則理中適爲對證。淵雷

### 張偉弢問

問。傷寒今釋三卷十五頁十六行。湯本氏云。「凡以肋骨弓下……觸知故也。」由是觀之。柴胡湯可治全身任何器官之實質的炎的病歟。若是。請釋其理。

答。湯本所言。不無夸誕。雖然。諸病皆是病毒使然。從證候上診知其毒應從何法祛除。用藥以祛除之。則炎竈自愈。此固

理之當然也。小柴胡亦祛毒之一法耳。中醫常謂治病必求其本。而所謂本者乃不過臟腑經脈一派荒唐之語。西醫既能確知病竈所在。益斥中醫之非。不知中醫所謂本者。實際是數千年積經驗所得種種祛毒之法。知其然而不知其所以然。妄設臟腑經脈以自說耳。故中醫之論雖非。其法則是。西醫能知病竈所在。乃踟躕一隅。求治其竈。卒之竈亦不可必治。故西醫之論雖是。〔淺顯的方面〕其法則拙。

### 孔伯毅問

眼中某部分屬某府某藏。上瞼屬脾。下瞼屬胃。大眥屬心。小眥屬小腸。白羅屬大腸。烏睛屬肝。瞳人屬腎。其說似附會。敬求以科學方法嚴格更正之。

### 誦穆答

以眼中部位配藏府。此全出附會。因藏器疾患而影響於眼者。約略言之。如病急性心臟內膜炎者。眼結膜網膜發溢血。溢血部中央有鮮黃色之小點。病心臟衰弱者。由腦靜脈充血之結果。眼球多突出。肝鬱血肝硬變肝萎縮肝癌。多發生黃疸。眼結膜因之呈黃色。肺病結核。可使眼球後退。病急性汎性腎藏炎時。若發生皮膚浮腫。則先從眼瞼發生。下眼瞼膨脹如囊狀。透明而帶紅色。舊說所謂目下如臥蠶。殆即指此。病急性腸炎。下利不止。水分耗失過多者。眼眶多陷落。腸

閉塞而嘔吐劇烈者。眼眶亦多陷沒。諸藏器疾患之影響於眼者。此不過一部分。尙未盡其變也。



### 毛邦漢君來函

淵雷先生道鑒。久欽德暉。未親塵教。翹首滬江。徒寄懷思。祇維道履綏和。時祺諧鬯爲頌。茲敬啓者。漢前因有宿恙。又以從吾國相宗大德宜黃歐陽竟無大師（大師亦與尊師章太炎先生相友善）鑽研法相。因悉菩薩爲悲智雙修。拔濟衆生。五明是求。「醫方明」爲五明之一。（餘四名爲內明（卽內典）因明。聲明。工巧明。）漢不揣謏陋。爲利他自利。爰發心研習國醫學。又以惲鐵樵先生爲敝邑名醫。卽於廿二年秋季起。從之函授醫學。熟玩惲先生所發各種講義。一年有半。因於客秋訂閱尊處新出之中醫新生命。讀之彌覺親切有味。繼復於冬間預約 尊著金匱今釋。同時購置傷寒今釋醫學論文集兩書。左右嘗謂中醫之病名說理決不可用。（見尊著溫熱辨惑）而細讀大著論文集中五苓散的證候。肺主皮毛的解釋。論脾等篇。所談病理。剖析毫芒。精審絕倫。使人讀之頭頭是道。擊節歎服。自讀大著以上三書後。曾爲小女政方治愈歷節痛風。最近又爲敝同事張君治愈肩背疼痛等證。茲不揣冒瀆。敢以訂閱尊著及中醫新生命



命讀者之資格。敬將漢之病狀。及已服與擬試服之丸方。條陳如下。倘蒙不吝誨示。或另示效方。則異日宿疾得癒。今後有生健康之年。皆出自左右之賜也。肅此。祇請道安不備。後學毛邦漢謹上。六月九日。

(一) 證狀

1. 房事經數次後。或久坐閱書。或伏案工作。即覺腰酸。(現已禁慾。中年曾患遺精病。惟近數年此疾已愈。)此殆因內分泌缺少腎虧所致歟。

自去年冬季始。先服六味地黃丸。今年夏。改服八仙長壽丸。(六味加麥冬。北五味子。)漸即不覺腰酸。此丸至今仍常服。每日早夕服兩次。每次約服五錢。

2. 逐日檢點排泄之小便。見尿面浮有濃厚之油分。但嘗試尿味。又並不覺甜。——此似為消渴中之「腎消」。(多飲湯水。則覺尿量驟增。)又進食有芝麻之燒餅。茶食。檢點大便。見糞中有未消化之原粒芝麻。以上述大小便之情形觀察。似腸胃之消化與吸收作用。能力均甚薄弱也。

3. 自去年十一月起。常服六味丸後。覺飯量稍增。

4. 每於清晨醒時。必先乾咳數聲。次即咳吐膠粘並多泡沫之白痰。同時多鼻涕。(涕亦膠粘如痰。)並不斷的唉氣。有時偶亦胃中嘔吐此痰一大口。如是約半小時。即復常度。呼吸等與健康人無異。——此疾未識是否由腎病肺。抑由肺病腎。已患十餘年。

5. 身軀骨骼較大。而肌肉肌膚瘦弱。遍身皮膚。不見黑色之毫毛。夏間皮膚出汗。亦較健體者爲少。夜間在露天納涼。稍受寒涼。則皮膚頓卽收縮起粟。立覺氣短致咳。於心測知皮膚與汗腺。因肌肉不結實。膚上無黑色之毫毛。於「排泄汗液」之一作用。幾失去功用。而本人患咳十餘年。殆以（一）固因腎虧。腎不納氣。致上衝於肺致咳。（二）由於皮膚調節體溫。與排泄汗液失職。致肺起救濟代償作用歟。（此層病理。純由讀尊著肺主皮毛的解釋及傷寒今釋卷二百八麻黃湯條所論「肺主皮毛」義中悟得。此種估量。未識有當否。）但檢點皮褥及襯衫。稍隔數日。卽污穢。又每次入浴。覺身上油分積垢甚多。審是則皮膚對於排泄皮脂之功用。似又甚有力。又上身胸前及後背之膚色。有數處略帶一抹一抹之黃色。

6. 夏季在路行走。頭汗淋漓時。每一脫帽。卽易患感冒。冬季較好。但亦較易傷風。

7. 本人曾屢患吐血。有時爲痰夾血。有時亦吐血痰。細究此症之偶發。似不外以下之數因。（一）由於晚間睡眠不足。或晚間鑽研內典或中醫書。至深夜始睡。或因心緒不佳。終夜不能熟睡。如一二日睡眠時間不足。日間咯痰。卽往往見痰夾血。（二）遇橫逆或驚恐而發。（三）身體俯下過久。因呼吸不暢。致短氣頻咳而出血。（四）不能飲酒。（高粱尤忌。但高粱漢生平絕不飲。黃酒少飲。尙無碍。但現亦禁去。）如偶飲高粱。因咳噎可立致吐血。（五）不能食富於刺激性之辛辣等食物。併不能嗅此等及香烟煤灰之氣味。（六）不能進熱性之藥物。（七）不敢飲牛乳及羊肉等富於熱性之食物。（八）不能受熱。受熱卽須吐「痰夾血」。

但每遇吐血。祇須作一二十分鐘之深呼吸。則所吐之痰。即回復常度。不見有血矣。

8. 與咳嗽似有連帶關係者。爲年來牙齦腐朽。致左右上下之臼齒。因牙牀淺。致多搖落。惟半年來因常服八仙長壽丸。牙齦腐臭已告愈。

9. 冬日如足部蓋被稍單薄。受寒。則足趾及腿部臀部肌肉。常患抽搐。

10. 舌苔沿舌尖及邊緣。時見「滑舌」。舌面之苔無變動。脈搏與健康人無異。每晨起牀後。必大便甚暢。

11. 喜進甜潤之枇杷葉等膏滋藥。每晨除常服八仙長壽丸外。繼即食糖蓮子一茶杯。久食覺均甚得益。

(二) 調治

1. 擬仍常服八仙長壽丸。以治腎虧。

2. 擬服天門冬丸。或湯藥。以治虛火上炎。燥咳。吐血。以潤肺止咳消痰。

天門冬丸擬方。爲——天冬二兩。川貝。杏仁各一兩八錢。茯苓。阿膠。菟孫子。枸杞子（此二味以治腎虧）炙草各一兩。蜜丸。每日晨夕各服五錢。或以此方煎湯服。天冬。川貝。杏仁。茯苓。阿膠。菟孫子。枸杞。各三錢。炙草七分。

3. 擬四時常服枇杷葉膏。——方用新鮮枇杷葉五六十片。洗淨。毛布包。先用河水煎出濃湯。瀝清汁。加梨兩只。（去皮心。切片用。）大棗半斤。建蓮肉四兩（不去皮。）煮至融爛。以白蜜半盅。熬至滴水成珠。此時復加研成細末之川貝一兩。俟一二滾取起。用磁瓶收貯備用。每日當作點心食。

謹按以上三方。八仙長壽丸似爲補腎。補脾。補肺。鎮咳效方。枇杷葉膏。功能降火。潤肺。止咳。未知均可常服否。第二方「天門冬丸」或湯藥。宜服與否。尙祈指示。又治小便多。排泄濃厚之油分。此種腎消證。漢細閱尊著金匱今釋卷四消渴。小便利。淋病脈證。并治篇。及鐵樵先生之金匱翼方選按。均無相當之特效藥。務乞併賜詳示。關於治肺虛咳嗽方面。如蒙俯賜另政效方。或煎湯服。或請藥鋪配製爲丸。則尤所感禱。

毛君第二書及淵雷夫子覆書。在下期披露。 編者。

## 問性神經衰弱效方

沈熊璋謹詢

性神經衰弱之病。近世患者最多。大抵訴遺精。早洩。陽萎。不育。腰痠。耳鳴。或志氣衰頹。懶於工作。或消化滯鈍。榮養不良。探其原因。多由手淫。房勞。神經衰弱而起。欲補其陽。遺精必愈甚。欲滋其陰。消化將益困。健脾開胃之劑。又恐迂緩無顯效。請問在此情形下之病者。應如何施治。方爲上策。倘蒙貴刊讀者諸君。示以經驗效方。不僅個人感佩已也。因余近被聘於某藥室。專治肺腎之病。關於肺病。經期月之研究與經驗。已集得良方若干。分別發表於廣濟神州等醫誌。惟於是項腎虧症。尙乏特效穩健之方。爰借貴刊一角地。公開徵求。幸諸大醫士。不吝賜教焉。

中國醫學院學生自治會刊出版。每冊定價叁角。 上海老靶子路中國醫學院

# 講義鱗爪

## 從根本上推翻氣化（七續）


陸淵雷

張志聰云。陽明之上。燥氣治之。中見太陰。厥陰之上。風氣治之。中見少陽。蓋陽明司四時之秋令。而太陰主四氣之清秋。厥陰爲兩陰交盡。陰盡而一陽始生。是以陽明厥陰從中見之化也。淵雷案。此直是任意臆造理由。不揣其本末終始矣。一陽明主四時之秋令。太陰主四氣之清秋。一於內經似無明文。考六氣主時。陽明始於八月中。終於十月中。一參看前六氣主時圖——得秋季之半。其本氣燥金。亦屬秋令。謂「主四時之秋令。」猶可說也。太陰主時。始於六月中。終於八月中。雖亦得秋季之半。然其本氣溼土。又寄王於四季。通常以謂王於長夏。謂其主「四氣之清秋。」不可說也。一厥陰爲兩陰交盡。一義出靈樞陰陽繫日月篇。——兩陰交盡句。亦見至真要大論。王氏及志聰注並引靈樞爲釋。——其文曰。一寅者正月之生陽也。主左足之少陽。未者六月。主右足之少陽。卯者二月。主左足之太陽。午者五月。主右足之太陽。辰者三月。主左足之陽明。巳者四月。主右足之陽明。此兩陽合於前。故曰陽明。申者七月之生陽。

也。主右足之少陰。丑者十二月。主左足之少陰。酉者八月。主右足之太陰。子者十一月。主左足之太陰。戌者九月。主右足之厥陰。亥者十月。主左足之厥陰。此兩陰交盡。故曰厥陰。」此以足六經各分左右爲十二。以分配於十二月。若用圓圖分布十二辰十二經。觀察之。則從寅至未爲陽經。從申至丑爲陰經。陽經中辰巳二月鄰接爲陽明。其兩傍爲太陽。又其兩傍爲少陽。陰經中戌亥二月鄰接爲厥陰。其兩傍爲太陰。又其兩傍爲少陰。換言之。乃將陰陽經各以左右分爲二組。陽經則先左後右。陰經則先右後左。依次排列。惟其次序。則左右互易。故陽陰二經中各有左右鄰接之一經。陽經鄰接者陽明。其位差近正南方。故曰「兩陽合於前。」陰經鄰接者厥陰。爲左右二組陰經終始相交之處。故曰「兩陰交盡。」初非「陰盡陽生」之義也。若如志聰所說。但可以勉強附會「盡」字。而「兩陰」字與「交」字皆無意義矣。且尋陰盡陽生之說。通常指一歲中子正十一月冬至。此時之主氣。爲六之氣太陽寒水。若依靈樞之分配。則爲左足之太陰。若依一陰二陰三陰之說。則三陰亦爲太陰。是「陰盡陽生」之氣。終不屬於厥陰也。志聰此注。若可解。若不可解。誅心而論。直是自欺欺人而已。前人注解中。此類甚多。而志聰爲尤。古醫書中此類亦甚多。而內經爲尤。其能流行數百年。不被駁難者。一則吾華民族性篤於尊古。——今之歐化青年。民黨同志。勇於反古。殆物極必反之激動歟。——不敢懷疑古人。二則學醫者多讀書未通之材。甚則識字不多。亦成名醫。其心思學力。不足以辨此故也。今之中醫學校。猶多以內經爲初學年之主要課。教者學者。俱以敷衍相忍爲政。不知主持教務者。何取於此虛糜歲月之功課也。

綜觀以上注解。王氏與志聰。皆在可解不可解之間。馬氏襲用王注。碌碌不足數。惟張介賓。驟觀似有所見。細辨仍是支離破碎。並無精確條直之理由。由是言之。從標本中氣之理由。直是不可知耳。然中醫學中。有實效而未得其理由者。往往有之。假令六氣標本所從。於病證治法上。亦有實效。則其說猶爲可用也。今考至真要大論所言六氣之病證及治法。皆係五行之勝復所致。例如厥陰司天。厥陰在泉。則木勝土而爲脾胃病。或土被勝而復。——意若報復——則爲肝病。其治法。則厥陰風勝者治以辛涼。少陰熱勝者治以鹹寒。皆不見有標本中氣之異。是標本中氣之應用。求之七篇大論之本文中。乃無其事。惟張志聰附會傷寒論以說之云。

再按太陽病。頭痛發熱。煩渴不解。此太陽之病本也。如手足攣急。或汗漏脈沈。此太陽之病標也。——此標本字當互誤。然浙江局刻本及圖書集成所引皆如此作。故仍之不改。——如少陰病脈沈者急溫之。宜四逆湯。此少陰之病標也。如少陰病得之二三日。口燥咽乾者急下之。宜大承氣湯。此少陰之病本也。如陽明病發熱而渴。大便燥結。此陽明之病陽也。如胃中虛冷。水穀不別。食穀欲嘔。脈遲惡寒。此陽明感中見陰濕之化也。如厥陰病脈微。手足厥冷。此厥陰之病陰也。如消渴。氣上衝心。心中疼熱。此厥陰感中見少陽之火化也。如太陰標陰而本濕。故當治之以四逆輩。少陽標陽而本火。則宜散之以清涼。治傷寒六經之病。能於標本中求之。思過半矣。（未完）



# 本刊徵求定戶

本刊原為不定期刊物。茲應讀者之要求。並請郵局掛號。從第二號起。改為定期刊物。每月出一號。月底出版。

本刊第一號業經再版。仍贈閱。索閱者請開具姓名地址。附郵票五分。即寄贈一冊。空函及汗損之郵票。恕不照贈。第二號以後照下開定價表發售。

遙從同學定閱者。照定價八折取費。

外埠定閱。最好用匯票。郵票以上海通用。(四川郵票限本省用者不收)一角以內者為限。請用蠟紙裱帖。仍作九五折計。

## 本刊廣告價目

四分之一面	半面	全面	一期
三元	五元	十元	每期三期
二元四角	四元	八元	每期六期
一元八角	三元	六元	每期十二期
一元五角	二元五角	五元	

裏封面底面及顏色紙特  
 頁均照表加  
 半均用銅加  
 諸版者另加  
 製版費另加  
 顏印者另  
 議刊費先惠

本刊定價	一號	六號	十二號
每冊價	一角半	七角半	一元四角
			郵費國內不加
			國外每十二號一元

不許轉載

中華民國二十四年六月三十日出版  
 中華民國二十四年十二月再版

主任兼 陸 淵 雷  
 編輯及 謝 誦 穆  
 發行處 陸 淵 雷 醫 室  
上海估嶺路人安里



陸淵  
雷著  
金匱今釋

印行報紙西裝本

廉價發售

此書初印千部。現已將次售完。頗有寒士愛讀。來函要求另印廉價本者。因改用報紙兩面印。西裝兩厚冊。書品較原印連史本爲小。一切以價廉爲目的。然內容與原本完全一樣。印刷裝訂雖不求美觀。但仍求清朗堅實。實價四元二角。郵費二角。較連史本低廉一半。

發行處 上海牯嶺路人安里十一號陸淵雷醫室 電話九三二八六